



---

Broj: 03/1-50-14-7-39-12/17  
Sarajevo, 13.9.2017.

**PREDMET:** Informacija o održanom sastanku Sifeta Podžića, predsjedavajućeg Zajedničke komisije, s generalom Marianom Hapauom, šefom Generalnog vojno-obavještajnog direktorata Ministarstva nacionalne odbrane Republike Rumunije, Sarajevo, 27.7.2017.

Sifet Podžić, predsjedavajući Zajedničke komisije za odbranu i sigurnost BiH, razgovarao je 27.7.2017. u Sarajevu s generalom Marianom Hapauom, šefom Generalnog vojno-obavještajnog direktorata Ministarstva nacionalne odbrane Republike Rumunije.

General Hapau sa saradnicima, koji inače boravi u radnoj posjeti Ministarstvu odbrane BiH, tokom razgovora sa predsjedavajućim Podžićem interesirao se za rad Zajedničke komisije za odbranu i sigurnost BiH i modalitete kojim se vrši parlamentarni nadzor nad sektorom odbrane i sigurnosti BiH.

Sifet Podžić je goste iz Rumunije upoznao s aktivnostima Zajedničke komisije i stanjem u sektoru odbrane i sigurnosti BiH. Posebno je istako značaj radnih posjeta jedinicama i komandama OSBiH koje su se pokazale kao nezamjenjiv metod u sticanju uvida u brojne segmente života i rada pripadnika OSBiH.

Također, predsjedavajući Podžić upoznao je generala Hapaua sa stanjem u sektoru sigurnosti, koordinacijom u radu policijskih agencija te tokom izrade strateških dokumenata koje je, s obzirom na aktuelne sigurnosne izazove, potrebno dograđivati u skladu s vremenom u kome živimo.

Razmijenjena su mišljenja i o drugim brojnim pitanjima iz nadležnosti Zajedničke komisije za odbranu i sigurnost BiH, a predsjedavajući Podžić izrazio je zahvalnost Oružanim snagama Rumunije na njihovom odgovornom i predanom radu u misiji Evropske unije ALTHEA.

Razgovoru predsjedavajućeg Podžića i generala Hapaua prisustvovali su i predstavnici  
Ministarstva odbrane BiH.

Predsjedavajući Zajedničke komisije

**Sifet Podžić**

**Dostavljeno:**

- naslovu
- a/a